

四庫全書

史部

欽定四庫全書

欽定大清一統志卷三百八

潼川府

在四川省治東北三百二十里東西距三百八十里南北距五百七十里東至順慶府西

充縣界二百里西至成都府漢州界一百八十里南至資州內江縣界四百八十里北至綿州界九十里東南至重慶府合州界三百五十里西南至成都府簡州界三百十里東北至保寧府南部縣界一百七十里西北至綿州界九十里自府治至京師五千五百七十里

分野天文井鬼分野鶉首之次

建置沿革禹貢梁州之域秦蜀郡地漢為廣漢郡鄆

廣漢二縣地後漢及晉因之

樂史寰宇記蜀後主于其地置東廣漢郡

按晉時郡治廣漢東晉後分為遂寧郡

劉宋分置新城郡齊廢梁末

置新州西魏兼置昌城郡隋初昌城郡廢其新城

郡如故開皇末改曰梓州大業初又改州為新城

郡唐武德元年復曰梓州屬劍南道天寶元年改

曰梓潼郡至德二載於郡置劍南東川節度使乾

元元年復曰梓州

唐書方鎮表廣德二年廢節度使隸西川大厯元年復置二年

又廢尋復置

五代屬蜀

梁乾化四年王建改曰武德軍節度

宋亦曰梓州

梓潼郡劔南東川節度

王存九域志乾德四年改靜戎軍太平興國三年改

靜安軍端拱二年復曰劔南東川節度

咸平四年分置梓州路重和

元年升為潼川府元因之屬四川行省明洪武九年降府為州直隸四川布政使司

本朝雍正十二年復升為府屬四川省領縣八

三臺縣

附郭東西距一百四十里南北距一百五十里東至鹽亭縣界六十里西至中江縣

界八十里南至射洪縣界六十里北至綿州界九十里東南至射洪縣界四十里西南至中江縣界八十里東北至鹽亭縣界七十五里西北至綿州界九十里漢置郫縣屬廣漢郡後漢至晉因之劉

宋又分置北伍城縣為新城郡治鄆縣仍屬廣漢郡齊廢北伍城後鄆縣亦省西魏置新城縣尋改

曰昌城為昌城郡治隋大業初復改曰鄆縣為新城郡治唐為梓州治宋為潼川府治元因之明初

省縣入州本朝雍正十二年升射洪縣在府東州為府置三臺縣為潼川府治南六十

里東西距一百一十五里南北距九十里東至順慶府西充縣界九十里西至三臺縣界二十五里

南至蓬溪縣界七十里北至三臺縣界二十里東南至蓬溪縣界六十里西南至樂至縣界二百里

東北至鹽亭縣界六十里西北至三臺縣界四十里漢鄆縣及廣漢二縣地西魏置射江縣周改曰

射洪屬新城郡唐屬梓州宋屬潼川府元因之明洪武十年省入鹽亭縣十三年復置屬潼川州

本朝雍正十二年屬潼川府鹽亭縣在府東少北一百里東西距九十五里南北距八十

里東至保寧府南部縣界七十里西至三臺縣界
二十五里南至射洪縣界三十里北至保寧府劔
州界五十里東南至順慶府西充縣界八十里西
南至三臺縣界四十里東北至保寧府南部縣界
七十里西北至綿州梓潼縣界五十里漢廣漢縣
地梁置北宕渠郡及縣西魏恭帝改郡縣俱曰鹽
亭隋開皇初郡廢屬新城郡唐屬梓州宋屬
潼川府元因之明屬潼川州今屬潼川府

中江

縣在府西一百二十里東西距一百里南北距二
百三十里東至三臺縣界四十里西至成都府
漢州界六十里南至樂至縣界一百七十里北至
綿州界六十里東南至樂至縣界一百七十里西
南至成都府金堂縣界五十里東北至三臺縣界
五十里西北至綿州德陽縣界五十里漢郫縣地
三國漢分置伍城縣屬廣漢郡晉太康六年省七
年復置宋曰伍城縣齊以後因之後周于縣置元

武郡隋開皇初郡廢改縣曰元武仁壽初于縣置
凱州大業初州廢屬蜀郡唐武德初屬益州三年
改屬梓州宋大中祥符五年改曰中江屬潼川府
元因之明洪武十年省入州十三年復置屬潼川
州今屬
遂寧縣 在府東南一百八十里東西距一
潼川府 百二十五里南北距一百七十里
東至蓬溪縣界三十五里西至樂至縣界九十里
南至重慶府大足縣界一百二十里北至蓬溪縣
界五十里東南至重慶府合州界一百十里西南
至安岳縣界五十里東北至蓬溪縣界四十里西
北至射洪縣界六十里漢高帝置廣漢縣于縣置
廣漢郡尋移郡治梓潼以縣屬之後漢因之晉初
復為廣漢郡治東晉永和中小漢梁改縣曰小溪西
之齊曰東遂寧郡改縣曰小漢梁改縣曰小溪西
魏改縣曰方義周閔帝元年于郡置遂州改郡曰
石山隋開皇初郡廢仁壽二年置總管府大業初

府廢復改州為遂寧郡唐武德元年復曰遂州二年置總管府貞觀初府罷十年復置都督府十七年又置天寶初復曰遂寧郡乾元初復曰遂州屬劔南東道乾元四年置武信軍節度五代屬蜀宋太平興國初復改縣曰小溪政和五年升州為遂寧府屬潼川府路宣和五年又升為都督府元至元二十年降為遂寧州屬潼川府明洪武初以州治小溪縣省入九年降為遂寧縣仍屬潼川州今屬潼川府

蓬溪縣 在府東南一百五十里東西距六十里南北距一百八十里東至順慶府南充縣界二十里西至射洪縣界四十里南至重慶府定遠縣界一百五十里北至鹽亭縣界三十里東南至重慶府合州界二百里西南至遂寧縣界三十五里東北至順慶府西充縣界三十里西北至射洪縣界四十里漢廣漢縣地隋方義縣地唐永淳元年分置唐興縣屬遂州長壽二年改曰

武豐神龍元年復曰唐興天寶元年改曰蓬溪宋屬遂寧府端平三年嘗為府治元屬遂寧州明洪

武十年省入遂寧縣十三年復置徙治故城之西南屬潼川州今屬潼川府安岳縣在府

南三百八十里東西距一百七十里南北距一百六十里東至重慶府大足縣界一百三十里西至

樂至縣界四十里南至資州內江縣界一百里北至遂寧縣界六十里東南至大足縣界一百五十

里西南至資州界八十里東北至重慶府合州界一百六十里西北至樂至縣界七十里本漢犍為

郡資中牛鞞二縣及巴郡墊江縣地晉時荒廢後周建德四年置普州及安岳縣隋大業初州廢以

縣屬資陽郡唐武德二年復于縣置普州天寶初改曰安岳郡乾元初復曰普州屬劔南東道五代

屬蜀宋仍曰普州安岳郡屬潼川府路寶祐後州縣俱廢元末復置安岳縣屬遂寧州明洪武四年

復于縣置普州九年州廢以縣屬潼川州本朝
康熙元年省入遂寧縣十年改入樂至縣雍正七
年復置今樂至縣在府南少西二百三十里東西
屬潼川府距一百四十里南北距九十里
東至安岳縣界六十里西至成都府簡州界八十
里南至資州資陽縣界四十里北至中江縣界五
十里東南至安岳縣界五十里西南至資陽縣界
五十里東北至射洪縣界六十里西北至成都府
金堂縣界一百一十里漢資中牛鞞二縣地後周
建德四年置普慈郡及多業縣隋開皇初郡廢屬
普州十三年改縣曰普慈大業初改屬資陽郡唐
武德三年又分置樂至縣皆屬普州宋乾德五年
省普慈縣入樂至仍屬普州寶祐後廢元初為遂
寧州地後為安岳縣地明成化元年復分置樂至
縣屬潼川州正德九年改屬簡州嘉
靖元年還屬潼川州今屬潼川府

形勢左帶涪水右挾中江居水陸之衝要

李吉甫元和志東

控盧叙西扼綿茂水陸之衝為劔外一都會

宋人乞陞

潼川府奏狀

風俗好勝尚氣不恥貧賤士通經學古罕為異習

祝穆

方輿勝覽

城池潼川府城

明天順中因舊址石築周九里門四環城有濠廣四丈引西溪水注之

射洪縣城

明天順三年土築成化二十一年甃石周五里門五東南瀕江西北鑿濠深廣

大餘鹽亭縣城

明成化中土築正德中甃石周二里有奇門四東臨瀾江西南北皆塹土

為中江縣城明天順八年甃以石周七里門四西

重修遂寧縣城明天順正德中因舊土城石築周十

渠引明月堰水灌之本朝乾隆八年重修葺蓬溪縣城舊倚赤城山半

六年移築溪南周五里計九百大高一丈七尺門四因溪為池安岳縣城周一里

成化初土築正德七年甃石樂至縣城周一里有奇門四明正

雍正年間
相繼修葺

學校潼川府學在府治東南宋大觀初三臺縣學本

朝乾隆六年議附潼川府學入學額數十二名射洪縣學在縣治西宋元

本朝康熙十六年
建入學額數十二名
鹽亭縣學
在縣治西北明洪武九年自縣南遷

此 本朝乾隆十二年
修建入學額數十二名
中江縣學
在縣治南明洪武中建 本朝

康熙年間修葺
入學額數八名
遂寧縣學
在縣治西南唐貞元中建明末圯 本朝康熙

六年重建入學
額數十二名
蓬溪縣學
在縣治北唐開元中建明末燬 本朝康熙六

年重建入學
額數八名
安岳縣學
在縣東門外龍泉山麓明嘉靖中遷建 本朝康熙

初裁雍正六年重
建入學額數八名
樂至縣學
在縣治西舊在縣東南 本朝康熙五十

年改建今所入
學額數八名
鳳山書院
在鹽亭縣治北 本朝乾隆二十三年建二十

六年重修又射洪縣有金華書院在治北鹽亭縣
有東臺書院在縣治西南宋任伯儔讀書處又太

元書院在縣治東北四十里宋文同讀書處青蓮書院在縣治東六十里相傳唐李白讀書處中江

縣有張九宗書院唐貞元間建樂至縣有名世書院明末建今並廢謹附記各縣並設有義學社學

戶口

原額人丁十萬四百九十滋生人丁七萬九千二百六十五口戶七萬一千五百七十四

田賦

上中下田地二萬六千七十四頃四十二畝六分八釐零額徵丁條糧銀八萬七十六兩三錢

二釐
零

山川東山

在三臺縣東四里隔涪江有蘇公泉暨石塔諸勝唐杜甫有陪王侍御同登東山最

高頂寧姚通泉晚攜酒泛江詩

黃龍山

在三臺縣東五十里疊嶂層巒一峯獨出橫枕桃花

溪上相近有映溪山古樓山又東十里金鷲山高峯連峙勢若長城

龍頂山

在三臺縣

西三里蜿蜒于三臺山在三臺縣西五里突起三牛頭山之後級狀若層臺今縣以此名

雲頂山在三臺縣南二十里迤邐層疊頂若雲盤相近為五泉山山椒有五泉分流雲

臺山在三臺縣南一百里長平山在三臺縣北五山形如臺高聳雲漢里兩壠延長而

平坦故名天柱山在三臺縣北震宇記在涪城縣高二里四面平衍上有重峯高一百餘步

孤秀如柱故名舊牛頭山在三臺縣西南二里元和志在州北五里和志牛頭山一名華林

山在鄆縣西南二里四面危絕寰宇記山高里形似牛頭四面孤絕俯臨州郭樓閣烟花為一方

之勝槩方輿勝覽岩半有羅漢洞舊志山下望川有清涼洞一名靈隱洞相傳中通眉州中崖

山在三臺縣西南一百二十里香積山在三臺縣峻絕凌空絕頂可望見西川西北五里

寨宇記在涪城縣東南三里北枕涪江

武東山

在射洪縣東七里

白崖山

在射

洪縣南十五里寨宇記遠望懸岩皎如白雪唐天寶三年敕改為懸岩山明統志今名玉屏山金

華山

在射洪縣北半里唐杜甫詩涪右衆山內通金華紫崔巍輿地紀勝山有陳拾遺書堂

泉山

在射洪縣東南元和志在通泉縣南二里山前有石蝦蟇高七八尺寨宇記在通泉縣西

北二十里東臨涪江絕壁二百餘丈水從山頂湧出下注涪江湧泉郡故城在此

獨坐山

在射洪縣東南二十里卓然孤峻南枕涪梓二水

董叔山

在鹽亭縣城東數步寨宇記山

高一里隔瀾江水孤峯絕島峭壁千仞舊名潺亭山隋開皇四年縣令董叔封嘗游宴于此後人思

其德政號曰董叔山舊志一名董政山原名鳳凰山

鼓樓山

在鹽亭縣東輿地紀勝在永泰

縣東南山有三層高五十餘丈明統志在鹽亭縣東一百二十里舊志今在縣東八十里 **負戴**

山 在鹽亭縣西一里寰宇記高二里自劔門南來過劔州入當縣其山龍盤踞起伏四百餘里

至此却蹲山有飛龍泉噴下南流入梓潼江水色清冷其味甘美舊志一名高山杜甫詩馬首見鹽

亭高山擁 **金紫山** 在鹽亭縣東北十里相傳以唐縣青即此 **金紫山** 邑人嚴震嚴礪俱貴顯而名宋

寶祐二年西川帥余晦城金紫山元將汪德臣襲取或曰即此 **蠶絲山** 在鹽亭縣東北六十

里九域志梓州有蠶絲山每上春七日遠近士女多游于此以祈蠶絲興地紀勝山在永泰縣西二

十里舊志在今 **女徒山** 在鹽亭縣東北寰宇記在縣東六十里永泰縣東二十五里其山

從閬州新井縣界來相傳昔有女徒千人自通泉縣康督井配役過賊于此乃于山頂置柵捍禦遂

以破賊俗為之置祠明統
志在鹽亭縣東北七十里
龍固山 在鹽亭縣西北

里四面懸絕
可以固守
元武山 在中江縣東元和志元武山

宇記九州要記云元武山一名赤崔山一名宜君
山華陽國志云一名三嵎山其山六屈三起明統

志山在縣東南一名大雄山舊有真
武祠今廢水中之石多若龍蛇狀
五城山 在中

東寰宇記晉五城縣在五城山舊志山在今縣
東郭外隔河一面陡峻餘皆階級層疊如梯
樓

妙山 在中江縣西郭外隔江岸與五城山相
對懸崖絕壁勢若凌空一名甯城山
高崖

山 在中江縣西十五里崖高一百餘丈一名望川
山崖下有泉湧出灌田百畝相近曰紅崖山色

稍紅
銅魚山 在中江縣南一里隔江
綿亘水口關鎖二流
賴應山 在中江

宇記在銅山縣北三十里周二里出銅及空青又
可蒙山在縣西北三十里私鎔山在縣西二十四
里皆高一里出銅昔時任百姓採鑄俗因呼為私
鎔山明統志賴應山在中江縣南九十五里可蒙
山在縣西南一百二十里私會軍山在江縣南
鎔山在縣東南一百六十里會軍山在江縣南
縣有會軍堂山高三里蜀先主入蜀遣諸葛亮張
飛等分定州界畧地至鄭百姓以牛酒犒師亮因
會軍士于此後遂傳為會軍堂山飛鳥山在江
明統志在中江縣南一百六十里飛鳥山在江
和志有二一在飛鳥縣西南五十五里一在銅山
縣西南三十里窠宇記飛鳥縣有大飛鳥山高二
里周二里又有小飛鳥山高一里周一里二山相
向重岩峻峭如飛鳥之狀明統志在中江縣南一
百七
里犁及山在中江縣北窠宇記在元武縣北十
里孝脣蜀記云山長八里高出衆峯

形如鐔乃舊志今有孔家山在縣北十里峯巒孤高為縣後鎮

天臺山

在中江縣北三十里

層巒高峻望若火烽山在中江縣東南與地紀勝臺閣有佛兒崖

火烽山

在銅山縣東南相傳武侯

置烽火于此舊志在今縣東南一百三十里

天柱山

在中江縣西南元和志在元武縣西

南四十里一名覆船山寰宇記覆船山舊名泊山高五里十道錄云堯遭洪水維舟泊此覆於樹下

因名輿地紀勝天霸山險峻冠絕眾峯又覆船山在縣西南三十里山有風穴人住視則風起甚至

折木發屋天銅官山在中江縣西南接簡州及金霸即天柱也

銅官山

在堂縣界元和志銅山縣有銅

山應代採鑄寰宇記銅官山在銅山縣西南五十八里長二里李膺蜀記云五城縣西南有銅官山

濶八丈高出眾峯鄧通卓王孫治鑄之所也唐景龍二年採銅利害使侍御史秦稱梓州元武縣簡

州金水縣競銅官坑按兩縣圖經其銅官坑合屬元武縣請徙銅官于山南二里明統志山在中江

縣西南九十八里舊志按寰宇記可蒙諸山在銅山縣西北去今縣為近銅官在銅山縣西南去今

縣為遠如明統志則銅官去今縣視粉壁山在遂可蒙較近蓋其所言里至類多不確

東五里七峯連亘插靈泉山在遂寧縣東十里數天峙縣東南水口峯壁立山頂有泉宋

寶祐六年蒙古將紐掄侵蜀蜀帥蒲擇之命楊大淵等守劄門及靈泉山即此按紐掄舊作紐璘今

改正鶴鳴山在遂寧縣東十里寰宇記在遂州東北二十里有古觀松上常有皓鶴鳴喚

輿地紀勝上尋香山在遂寧縣東二十里寰宇記有董真人洞本名血腥山刺史白子昉改

名龍頭山在遂寧縣東五十里寰宇記山有石銅狀如龍頭唐乾元二年春置龍歸寺銅

盤山

在遂寧縣東寰宇記在小溪縣界立四絕人莫能上明統志在縣東五十里長樂

山

在遂寧縣西二里形如蟠龍頂平如砥相按者曰寶臺山頂平如臺在縣西五里臥龍

山

在遂寧縣西輿地紀勝在梵宇山西二里有佛現嶺聖水井岩壑之勝甲于天下箕山

在遂寧縣西二十里與西嶺競秀為縣西南望山

石盤山

在遂寧縣西二十五里岡阜壟

鬱林木葱蒨絕頂有石如盤因名

奴厥山

在遂寧縣西五十里寰宇記本名屈山唐景雲

中改名舊志在縣西四十里峯巒高聳數十里

石城山

在遂寧縣西五十里以四面如城而

名壁山

在遂寧縣南七十里一名黃羅崖旁有石舍洞輿地紀勝洞在遂寧縣大像閣下狀

如堂宇洞前大江匯為淵潭

崙山

在遂寧縣南一百餘里屹立千仞其南為寶蓋山隆

龕山

在遂寧縣南元和志在崇龕縣西三里因取為縣名九域志安居縣有隆龕山舊志在今

縣南一百四十里

書臺山

在遂寧縣南輿地紀勝在遂寧府西南與寶臺山金魚山相連

為三峯

玉堂山

在遂寧縣北十五里峯巒雄峙明統志縣之主山也廣山

在遂寧縣北輿地紀勝在小溪縣北十里長江縣南山極古峭斗入江心涪江鄣水會其下下有龍

潭山常搖動絕頂有葛仙洞

梵雲山

在遂寧縣西南窠宇記在遂州西南二里四面懸絕

東臨涪水西枕靈星池在遂寧府城西舊名中隱唐天寶中改名即此

按輿地紀勝有梵宇山

柔剛山

在遂寧縣西南元和志在安居縣東二十里周柔剛縣因山為名

傘子山

在遂寧縣東北方輿勝覽在小溪縣白水鎮環山之民素以植蔗凝糖為業相傳唐大厯間有僧教

以凝成糖霜色如琥珀遂為上品舊志山在縣東北十五里 **蓬萊山** 在蓬溪縣東半里

赤城山

在蓬溪縣東二里中峯蔚然左右環拱上有高臺五層山皆赤土縣城舊跨其麓蓬

萊溪流 **明月山** 在蓬溪縣西寰宇記在長江縣西二里舊志在今縣西七十里沿江

之西兩峯對峙下 **跨鰲山** 在蓬溪縣西二百臨涪水相映而明 **伏龍**

山 在蓬溪縣西輿地紀勝在客館鎮北二里下有火井地窪若池以薪引之有聲隱隱出地中少

頃炎熾夏月積雨瀦水則焰生水上水為之沸而寒如故冬月水涸則土上有焰觀者至焚衣裾舊

志在今縣西 **司馬城山** 在蓬溪縣南十里輿地紀勝昔黎達為遂州司馬值

民方避亂乃擇山之懸絕 **鼓樓山** 在蓬溪縣北十處築城以為限阻因名

峯對峙高千餘丈王蜀時嘗置鼓樓于其上以望烽火

風門山

在蓬溪縣東南寰宇記在

青石縣東三十里四面峻岩常有清風因號風青門山舊志在今縣東南一百七十里其下有洞

石山

在蓬溪縣東南與重慶府合州接壤元和志青石縣東南水路五十九里寰宇記九州要

記云此山天下青石無佳于此可為鐘磬郡國志云昔巴蜀爭界厯歲不決漢高八年一朝密霧山

為自裂從上至下開數尺若引繩以分之遂為二州之界巴蜀之民乃息所爭共立祠民將採石必

先祀之舊志在今縣東南一百九十里

龍多山

在蓬溪縣東南二百里接合州界綿亘深

遠下有石仙岩五十丈詳見合州

石峯山

在蓬溪縣西南三十五里相近有大面山與遂

寧分界最為高大

廟山

在蓬溪縣西南寰宇記在長江縣南十里孤峯峻秀下臨江島唐乾

元元年敕置龍臺縣于此舊
志在今遂寧縣北廣山右
龍馬山 在蓬溪縣西
北十里明統

志昔李章甫牧馬于山下產一
駒毛骨異常人呼為龍馬因名
高升山 在蓬溪縣
西北三十

里山極高聳登眺間眾
山在其下山上有堡
瑞雲山 在安岳縣東五十
里四壁如削又魚

龍山在縣
東六十里
靈居山 在安岳縣南一里輿地紀勝在
縣東南上有圓龜洞葛仙洞為

近城游覽勝地
明統志作雲居山
香雲山 在安岳縣南五里山
頂有池其水煮茗甚

甘
鐵峯山 在安岳縣北輿地紀勝鳳凰山在普州
治後形如飛鳳延袤數里氣象雄勝州

治據其脊舊志今名
大雲山 在安岳縣北五
鐵峯山在縣北五里
里上有棲岩寺
鰲魚

山 在安岳縣北二
十里以形似名
安岳山 在安岳縣西南一
里縣以此得名
婆婆

山

在樂至縣界有大小二山元和志婆娑山在普慈縣西北三十里其山綿亘數百里寰宇記大

婆娑山在普慈縣西十里小婆娑山在縣北三十

里輿地紀勝婆娑山上有玉龍洞舊志大婆娑山

在今樂至縣南一里小婆娑山在縣北三十里

在縣北一里南北對峙皆高險周鼎山在樂至縣

形如古鼎下有清水七盤山在樂至縣南四十五

潭即桂林溪源也里岡密曲折凡有七

名因寶鼎山在樂至縣西北七十雲梯嶺在中江

十六里嶺路陡峻四里許明九節嶺在蓬溪縣東

萬厯中斃石級以便行者南寰宇記在

青石縣東二十九噴珠巖在中江縣西四十

里九節溪出此五里泉滴不竭韭菜

巖在蓬溪縣東南一百里盤旋峙立高數十丈岩

平一小臺人跡不能到中產韭四時秀嫩相傳

神仙月巖

在遂寧縣西南輿地紀勝在安居縣南五里高灘福勝院依岩架屋下瞰韓朋

溪後巖

落馬崖

在三臺縣南十里有龍潭

烏龍洞

在鹽亭縣東四十里

有龍泉大旱不涸

招隱洞

在遂寧縣北輿地紀勝在長江縣南二十里

涪江綿

州流入逕府城東又東南逕射洪縣東過蓬溪縣西界又逕遂寧縣東入重慶府合州界水經注涪水東南經南安郡南又南與金堂水會又南枝津出焉西經廣漢五城縣為五城水又西至成都入于江元和志涪江水經郫縣東去縣四里流入射洪縣在縣東一百步灘十七所又逕通泉縣東三里又逕長江縣南去縣二百五步又逕方義縣北去縣八十步又逕青石縣南去縣一里州志唐時以涪江逼近城北橫溢為患乃鑿江東壩地別為新江東北注至宋漸湮水復衝壩慶元中提刑王

勳依江埂伐石為堤謂之王公堤舊志涪江自綿州入潼川境九十里至府城北轉東南合中江又四十里入射洪界東南流三十里至縣城東又二十里至獨坐山下合梓潼水轉南曲流四十里入蓬溪界經縣西五十里又四十里入遂寧界五十里經縣城東又一百二十里入廣安居縣界中江自綿州流入經中江縣南又東經府城南入涪江即古五城水也水經注涪水枝津西經廣漢五城縣為五城水元和志內江水本名中江經元武縣南去縣百步策宇記中江在鄭縣西南三里從元武縣東界流入當縣西南八十餘里入涪江舊志俗名西橋河又名凱江自羅江縣入中江縣境東南曲流六十里至縣城西又折東繞城南合東溪又東南流五里合余家河又東北曲流四十里入潼川州界又東七十里合西溪過鄭江水中城南入涪江按輿圖謂之羅江河

江縣界發源東流經三臺縣南至蓬溪縣入涪江
隋書地理志元武縣有郭江元和志郭江水經銅
山縣南五里又經飛鳥縣北四十里窠宇記郭江
水源出元武縣東南流入銅山縣界又飛鳥縣有
小郭江源出縣西南蓬池鄉小山下東流合縣郭
又七十六里合郭江輿地紀勝郭江源出銅山縣
赤岸溪流經飛鳥會衆流入長江舊志源出中江
縣銅山水色澄清如玉亦曰玉江東流過雲臺山
經潼川南百里又東至蓬溪縣明水寨入涪
輿圖水有三源一出潼川南界一出中江縣東南
界皆東南流至蓬萊鎮西北會為一一出樂至縣
北界東北流至蓬萊鎮東合流即窠宇記之小郭
江也又東至遊寧蓬溪二縣界黃梓潼水
龍銷北入涪其水出中江尚遠梓潼水
流入經鹽亭縣南又南經射洪縣東入涪江一名
瀾江亦曰射江又曰白馬河水經注梓潼水自梓

潼縣南經涪城東又南入涪水謂之五婦水口元和志梓潼水經鹽亭南去縣三里又射洪縣有梓潼水與涪江合流急如箭奔射涪江口蜀人謂水口曰洪因名射洪舊志梓潼水亦曰大瀾江射江自梓潼縣入鹽亭縣境南流一百里經縣南二里合鷲溪又五十里入射洪界經縣東二十里又南十八里至獨坐山下入涪江案明統志既云梓潼水在鹽亭縣南下白馬河入涪江又云射江在射洪縣東南十五里又有大瀾江在縣東小瀾江在縣北蓋雅採聚宇記與地紀勝等書而不知其皆梓潼水黃澍水在射洪縣東南寰宇記源出鹽之異名也

輿地紀勝在通泉縣東五里又可波水在縣東源出永泰縣可波池入梓潼水舊志黃澍溪在縣東南二十里又可波

水在縣東五十里沈水在射洪縣東南後漢書光武紀建武十一年臧宮與

公孫述將延岑戰于沈水大破之郡國志廣漢縣有沈水水經注沈水出廣漢縣下入涪水元和志

通泉縣有沈水北自鹽亭界流入
鹽亭水 在鹽亭縣東元

明統志在射洪縣東南八十里
和志永泰縣有鹽亭溪水經縣北去縣十九里寰宇記源出閬州西水縣西南流入鹽亭縣合梓潼

水舊志水在縣東十里
縣東北西南流經縣東入梓潼水即鹽亭水也舊

志亦謂之瀾江又
謂出劔州境皆非
安居水 源出樂至縣東北流經安岳遂寧二縣界又東

入銅梁廢安居縣界亦名大安溪元和志安居水在普慈縣北一里又在安居縣北八十步輿地紀

勝大安溪在安居衆水之闕東至合州入江孟蜀時嘗取魚于此當時號曰禁溪又有九曲溪在安

居頭陀寺之旁九曲入大安溪明統志大安溪在安岳縣北七十里舊志安居河源自中江飛鳥山

紫紆南下會郵水白馬河至安居鎮合永寧河其
流漸大又合石羊河為兩江口又經大寧里至安
居縣入江案輿圖水發源樂至縣東安岳縣北
界有三派合流東經安居場北轉東南過遂寧南
界有魚海河自安岳縣流來會之又東南有灌子
河自安岳南界經大足縣北界流入焉是為關箭
溪又東至廢安居縣北入涪桃花溪在三臺縣東
江舊志所言多與輿圖不合
縣東三十里源從涪城縣南流入縣東又六十里
入射洪縣明統志桃花水在射洪縣東北流入涪
江舊州志源出州東北秋林驛東南流入射洪縣
界又二十里由稻田壩入涪春日桃花夾岸掩映
清石谷溪在三臺縣城西寰宇記在郵縣西南二
里源出當縣杜山下流繞牛頭山南入
中江舊志今有西溪在州西門外一名濯筆溪源
出州北衆山溪水下流三十里至州城西南入中

江黃溪在射洪縣北一里又唐溪在縣南五里

溪

在鹽亭縣西北八十里明統志其地產絹宋文同詩持將一足驚溪絹寫取寒稍萬丈長舊志

在縣北門外亦名瀾江源自亂壑聚成下流八十里過縣治東轉南合梓潼又有麟溪在縣南三里亦入梓潼水案輿圖鷺溪在縣西北與明統志道里合舊志所言疑別是一水

楊桃溪

在鹽亭縣東南九城志東關縣有楊桃溪舊志在今縣東南五十里自西充縣流入合鹽亭水案

輿圖楊桃溪在蓬溪縣西在縣東南五十里許者乃思溪河入梓潼水不入鹽亭水亦與舊志不合

東溪

在中江縣東一名東橋河源出涪城山溪西南流五十里至縣城東轉南至元武山入中

江北流溪

在遂寧縣西案字記小溪縣有北流溪今名倒流溪明統志倒流溪在縣西十

五里源出凉水井東

卜油溪

在遂寧縣南輿地紀勝土人每于久日辟

溪濱以清油置水中觀其暈以占休咎舊志溪在縣南梵雲山又石子溪在縣南五里源出山澗流

經廣德梵雲橫繞城南又東入江

蓬溪

在蓬溪縣北西南流入遂寧縣界一名赤溪明統志

蓬溪源自蓬萊山西通遊寧縣又赤溪在遂寧縣北十五里源自蓬溪經本縣入涪江舊志蓬溪源

出南充縣界西南流歷遂寧牽子山入江又有老蓋溪在蓬溪縣東三十里西南流循馬相口入江

又馬堵溪在縣西二十五里利國溪在縣西三十里皆南至馬相口入江

瑰溪

在蓬溪縣西輿

地紀勝自通泉縣界西流至長江縣山如壁開水從高注下為龍湫出峽合鄆水

案輿圖今瑰溪

在鹽亭縣南在蓬溪縣西者乃楊桃溪紀勝蓋以此為瑰溪也所謂鄆水亦似指涪江

珠玉

溪

在蓬溪縣南窠宇記在青石縣以地有珠玉村因名舊志在今縣西七十里

九節溪

在蓬溪縣南元和志源出青石縣東二十六里灘有九節因名舊志在今縣南一百二十里西南流

入岳陽溪

在安岳縣南又東南入重慶府榮昌縣界輿地紀勝天聖中郡守彭乘鑿石為

曲水後名翰林灘每歲修禊事于此又有雙溪在郡西七里與岳陽溪合流而東明統志岳陽溪在

安岳縣西即青竹溪舊志今曰玉帶溪上流又名桂林溪源出樂至縣西清水潭東南流三十里至

縣西轉東南曲流九十里入安岳縣界又東南流四十里至縣城南分為二派一東南流一百三十

里入榮昌廢大足縣界一東北流九十里入遂寧縣界入江案輿圖今安岳城南之水有魚海河

發源縣西南境東北流會三水與放生溪在樂至安居水合舊志所言多不相合

十里源出賀鼎山
西流入簡州河

雙橋河

在中江縣西南源出縣西北白蓮洞東南流匯

為龍王潭又至銅
魚山前入涪江

硝河

在中江縣東南一百二十里其水出硝又魚壑河在

縣東南二百里
居民于此壑魚

萬頃澤

在射洪縣東寨宇記在通泉縣東北二十二里澤內

有田方
萬頃

龍潭

在三臺縣東北八里
十里禱雨有應

黑龍潭

在遂寧縣南八十里

澄潭百
尺不涸

高洞龍潭

在蓬溪縣西二
十五里有祠

靈星池

在遂寧縣南元

和志在方義縣西南四里寨宇記在小溪縣西
北四里 案元和志作虛星池蓋傳寫之誤 龍

池

在遂寧縣北元和志在遂州北百二十步寨宇
記相傳池側有柳樹大十圍周天和初有龍自

樹升天自後樹
枯池亦淺竭

明月池

在遂寧縣北輿地紀
勝在小溪縣北五里樂至

池

在樂至縣東二里

琴泉

在三臺縣北二里岩洞深處有泉滴入鏗然如鳴琴

橫冰

泉

在三臺縣北三里凝澈如冰昔嘗執取以愈日疾

浴丹泉

在鹽亭縣東一里鳳凰山

昔易元子浴丹于此

聖水泉

在中江縣東一里元武山唐王勃有詩

飛來泉

在

江縣西南一百二十里銅山側噴流如飛

湧泉

在遂寧縣西北玉壘鎮其地有泉湧出灌溉鎮

旁之田

鹽井

郡境各縣俱有元和志鄣縣有鹽井三十六所通泉縣西北十二里有赤車鹽

井又別有鹽井十三所鹽亭縣以近鹽井為名大汁鹽井在永泰縣東四十二里又有小汁井歌井

針井方義縣四面皆有鹽井安居縣有鹽井四蓬溪縣鹽井十三安岳縣鹽井十普康縣鹽井三普

慈縣鹽井十四蒙宇記鄣縣有鹽井四十三眼二十二眼現前餘廢涪城縣鹽井五十五所十眼現

煎四十五眼塞通泉縣鹽井七十四鹽亭縣鹽井
三一井現煎永泰縣鹽井五東關縣鹽井四三井
現煎一井廢元武縣鹽井二近江水淡煎鹽不成
飛鳥縣鹽井七三井現煎四井塞通志今潼川州
鹽井上井三眼中井九眼下井二百十六眼射洪
縣鹽井二千三百十九眼鹽亭縣中井三眼中下
井四眼下井二眼下井十一眼中江縣鹽井二
百二十八眼遂寧縣鹽井五十二眼蓬溪縣鹽井
七百九十六眼安岳縣鹽井二
眼樂至縣鹽井一百十六眼

古蹟郵縣故城

在今三臺縣南漢置三國蜀志炎興
初姜維等聞諸葛瞻破引軍由廣漢

郵道以審虛實華陽國志李特克成都衆飢李驤
將民入郵王城食穀芋後漢書注郵縣故城在今
郵縣西南元和志梓州東南至遂州二百五十里
西北至綿州一百三十里西至漢州二百十里正

東微南至果川三百五里西北至閬州三百十五里正北微東至劔州三百六十里正南微東至普州三百五十里宋于此置新城郡梁武陵王蕭紀于郡置新州隋開皇末改曰梓州因梓潼水為名州城宋元嘉中築左帶涪水右挾中江居水陸之衝要鄆縣郭下本漢舊縣因鄆江水為名寰宇記鄆舊縣在今縣南九里臨江鄆王城基址現存又有漢鄆道縣城在今縣西輿地紀勝漢鄆縣城在飛鳥縣北三十里又有後唐長興時鄆縣城在今縣西案晉志無鄆縣而王長文傳曰廣漢鄆人又華陽國志沈約宋志皆有鄆縣其未嘗廢可知又宋志有新城郡治北五城兼領懷歸縣隋志云新城郡舊曰伍城蓋即劉宋故縣獨齊志新五城郡治下辨所領縣與宋志皆不同不可考

故城

在中江縣東華陽國志廣漢郡有五城縣在郡東南漢時置五倉發五縣民尉部主之後

因以為縣宋書州郡志五城縣晉武帝咸寧四年
立太康六年省七年又立隋書地理志蜀郡元武
縣舊曰五城後周置元武郡開皇初郡廢改縣名
仁壽初置凱州大業初廢元和志縣東至梓州一
百十五里本先主所立五城縣也屬廣漢郡後魏
平蜀立元武郡以縣屬焉隋開皇三年改五城為
元武縣因元武山為名屬益州武德三年割屬梓
州寰宇記廢五城縣在縣東二里三隅山之東舊
志舊元武縣在今廣漢故城在遂寧縣東北輿地
縣西南二里址存紀勝廣漢故城在鹽
亭東北十五里又有隋廣漢城在通泉縣北三十
里縣志廢廣漢縣在射洪縣東南一百里蓬溪縣
界舊志漢時縣名與郡同者類加小字以別之如
沛郡之沛縣曰小沛丹陽郡之丹陽縣曰小丹陽
桂陽郡之桂陽縣曰小桂陽零陵郡之零陵縣曰
小零陵是也今縣屬廣漢郡則亦宜曰小廣漢水

經注涪水南至小廣魏與梓潼合小廣魏即廣漢
縣水經本曹魏時人所作故改漢為魏也齊志之
小漢蓋本緣小廣漢為名而中省廣字耳隋志遂
寧郡治小溪縣以為梁置按此郡本置于晉時其
治縣不應至梁時始置元和志以為晉穆帝置今
檢宋齊二志皆無此縣意者梁之小溪即齊之小
漢漢溪字形相似而訛後人不之察耳案漢志
廣漢郡首領梓潼後漢郡國志治雒縣晉志始治
廣漢縣舊志則謂漢初本治廣漢縣後移梓潼而
引華陽國志水經注為證又云晉志蜀建興二年
分廣漢立東廣漢郡魏景元中平蜀省晉之廣漢
郡益即蜀之東廣漢郡廣漢縣自漢至晉凡三為
郡治今考華陽國志廣漢郡本治繩鄉元初二年
移治涪繩鄉水經注作乘鄉下云王莽之吾雒也
吾雒即雒縣是繩鄉本作雒縣不在廣漢縣也據
漢志郡治梓潼據華陽國志水經注則初治雒之

繩鄉後移治浩又治雒城其廣漢縣則晉時始為郡治前此皆為屬縣也舊志謂本治廣漢蓋誤認繩鄉為廣漢縣地耳蜀時分置東廣漢郡今鹽亭不知其治所以為即晉之廣漢郡亦無所據

廢郡

今鹽亭縣治隋書地理志新城郡鹽亭縣西魏置鹽亭郡開皇初郡廢元和志縣西南至

梓州九十三里本漢廣漢縣地梁于此置北西宕渠郡後魏恭帝改為鹽亭以近鹽井因名

渠廢郡

在鹽亭縣西北齊書州郡志益州西宕渠郡領宕渠縣寰宇記廢宕渠在鹽亭縣西

北三十二里安樂村李膺蜀記宋元嘉十九年置西宕渠郡領縣四宕渠是其一也梁天監中廢

渠九域志鹽亭縣有宕渠鎮即此

涪城廢縣

在今三臺縣西北蕭齊僑置始平郡隋改

涪城縣屬金山郡唐宋屬梓州元省齊書州郡志始平獠郡建武三年置隋書地理志金山郡涪城

縣舊置始平郡西魏改郡曰涪城周又改曰安城
開皇初郡廢改縣曰安城十六年改為涪城元和
志涪城縣東南至梓州六十里本漢涪縣地唐初
屬綿州大厯十三年割屬梓州輿地紀勝圖經云
唐涪城縣城在今縣東四百步元史
地理志至元二十年併涪城入郪縣
通泉廢縣在
洪縣東南隋書地理志新城郡通泉縣舊曰通泉
置西宕渠郡西魏改郡縣俱曰湧泉開皇初郡廢
縣改名又併光漢縣入焉元和志縣西北至梓州
一百四十里本漢廣漢縣地宋于此置西宕渠郡
後魏恭帝移于湧山改名湧泉郡周明帝置通井
縣隋開皇三年改為通泉十八年改屬梓州唐書
地理志通泉縣大厯二年隸遂州後復屬梓州元
史地理志至元二十年併通泉入射洪舊志廢通
泉縣在射洪縣東南七十里
泉縣西宕渠郡領縣四曰宕渠曰宣漢曰漢初曰

東關則通泉之非齊置可知惟隋書地理志注云舊曰通泉置西宕渠郡西魏改郡縣俱為湧泉然

查漢書晉書宋書俱無通泉不知隋志何所據又查元和志周明帝置通井縣隋開皇三年改為通

泉縣是通泉之名創于隋而非創高渠廢縣在鹽于齊也謹據各史及元和志更正

西寧字記廢高渠郡城在鹽亭縣西十六里北臨梓潼水周保定初置隋開皇三年廢為縣大業三

年縣永泰廢縣在鹽亭縣東北元和志縣西南至亦廢永泰廢縣梓州一百四十五里本漢充國縣

地武德四年分置地號永泰因以為名案字記在州東北一百二十七里唐巡檢皇甫無逸以四境

遼遠人多草寇遂于鹽亭及劍州黃安關州西水三縣界置九域志熙寧五年省永泰為鎮入鹽亭

十年復置尉司輿地紀勝建中靖國初以犯指宗陵名改曰安泰紹興初復為縣未幾廢三十一年

復置永泰縣舊志元初省
在今鹽亭縣東北六十里
東關廢縣在鹽亭縣東
南蕭齊時西

宕渠郡有東關縣梁魏時廢
宋復置屬梓州宋寧
記縣在川東南一百四十里
本鹽亭縣雍江草市

也蜀明德四年以其地去縣遠
為寇盜盤泊之所
因割樂平等三鄉立招葺院
乾德四年升為縣取

古東關地之名從知州張澹
之請也元史地理志
至元二十年併東關入鹽亭
舊志廢東關城在今

縣東南百里
今名東關市
懷歸廢縣在中江縣西北
宋書州郡志新城郡領懷歸縣
何志

新立窠字記在縣北二十里
李膺蜀記云
宋元嘉九年置後周明帝初併入元武
飛鳥廢

縣在中江縣東南隋置屬新城郡
唐屬梓州宋屬
潼川府元省元和志縣東北至梓州一百四十

五里本漢鄭縣地開皇十三年于此置飛鳥鎮
明年改鎮為縣並因山為名窠字記有故城在今縣

北三十五里故鄣王城也隋置縣唐貞觀二十二年以舊縣山重峻險移就今理舊志廢飛鳥縣在

中江縣東南一百七十里**銅山廢縣**在中江縣南九十里元和志縣東北至梓州一百二

十里本漢鄣縣地有銅山歷代採鑄貞觀二十三年置監署官前上元三年廢調露元年因廢監置

縣舊唐書地理志分鄣飛鳥二縣地置九域志在州西南九十五里元史地理志至元二十年併銅

山入中江舊志在**德陽廢縣**在遂寧縣東南後漢中江縣南九十里置屬廣漢郡晉初因

之後改屬遂寧郡宋齊因之後周廢蜀志張裔傳張飛自荊州由墊江入璋受裔兵拒飛于德陽陌

下窠宇記遂州蓋德陽之舊壘東與巴郡為界譙縱亂後移于石坪其地多獠華陽國志縣有青石

祠蓋在遂寧東南蓬小**溪廢縣**今遂寧縣治晉書溪之南舊青石縣界小地理志桓溫平蜀

于德陽界東南立遂寧郡隋書地理志遂寧郡方
義縣梁曰小溪置東遂寧郡西魏改縣名後周改
郡名曰石山開皇初郡廢大業初置遂寧郡元和
志遂州東北至果州一百七十里東南至合州二
百六十里西北至梓州二百五十里正南微西至
普州一百四十里漢廣漢縣地後分為德陽縣東
晉分置遂寧郡周保定二年立為遂州方義縣郭
下本晉小溪縣永和十一年置後魏恭帝改曰方
義舊志宋太平興國初避諱仍改曰小溪明初省
入州 案小溪縣隋志以為梁置元和志以為晉
置不同又寰宇記宋泰始五年刺史劉亮表分遂
寧為東西二郡齊志有東遂寧郡不始於梁也遂
州之置見于周書閔帝元年 安居廢縣在遂寧縣
元和志作保定二年亦誤 安居廢縣在遂寧縣
地理志資陽郡安居縣後周置曰柔剛又置安居
郡開皇初廢十三年郡改縣名馬元和志縣南至

昔州八十里舊唐書地理志舊治柔剛山天授二年移理張柵九域志在昔州北七十里舊志今有安居舖在遂寧縣西南四十里即故縣也明成化中又分遂寧及銅梁縣地置安居縣屬重慶府非故地

崇龕廢縣

在遂寧縣南元和志縣西至普州一百十里隋開皇三年于此置隆

龕縣大業十二年于鎮置縣先天元年更名舊唐書地理志本周隆龕城隋為縣舊治整賴川久視元年移理波羅川九域志

遂寧廢城

在今遂寧縣西南唐景龍

乾德五年省為鎮入安居

元年分青石縣置屬遂州宋屬遂寧府元省至元十九年省入小溪元和志縣東南至遂州一百二十里九域志在州

長江廢縣

在蓬溪縣西本東晉已興縣也宋書州郡

志遂寧郡領已興縣徐志不注置立疑是李氏所立隋書地理志遂寧郡長江縣舊曰已興西魏改

名又置懷化郡開皇初郡廢元和志縣南至遂州
五十里舊唐書地理志縣舊治靈鷲山上元二年
移治白桃川寰宇記東晉永和十一年置巴興縣
西魏恭帝改長江以界內大江為名唐上元元年
以舊縣不安移在明月山下鳳凰川元史地理志
至元十九年併長江入蓬溪舊志廢縣在蓬溪縣
西六十里南去遂寧縣
六十里今有長江壩

青石廢縣

在蓬溪縣南宋書州郡志遂寧

郡領晉興縣徐志不注置立隋書地理志遂寧郡青
石縣舊曰晉興西魏改名又置懷化郡開皇初郡
廢元和志縣西北至遂州七十里本晉晉興縣屬
巴郡既置遂寧乃割屬焉後魏改為始興開皇十
八年改為青石宋史地理志熙寧六年省入遂寧
七年復置元史地理志至元十九年併青石入小
溪舊志在今蓬溪唐興廢縣在蓬溪縣南元和志
縣南一百二十里

一百二十里永淳元年割方義縣北界于今縣南
二十里蓬川置唐興縣長壽二年改為武豐神龍
元年復為唐興天寶元年改為蓬溪舊唐書地理
志景龍二年分唐興置唐安縣先天二年廢唐安
縣移唐興治于唐安廢縣後改蓬溪安寧記本漢
廣漢縣地取邑內蓬溪為名九域志縣在遂州東
北七十里舊志明初又移今治故城
安岳故縣在
在縣南縣志謂在縣東北三十里誤
安岳縣北元和志普州正北微東至遂州一百三
十里正西微北至簡州二百四十里正南微西至
資州一百七十里正北微西至梓州二百五十里
本漢之資中牛鞞墊江後漢之德陽四縣之地周
武帝建德四年置安岳縣又于縣立普州舊唐書
地理志晉李雄亂後為獠所據梁招撫之置普慈
郡安寧記安岳縣本以邑地在地之上四地險絕
故曰安岳輿地紀勝縣舊治在鐵門山宋開寶四

年移今治宋史地理志普州淳祐三年據險置治寶祐以後廢

普康廢縣

在安岳縣南元

和志縣北至普州七十里周建德四年于此置永康縣隋開皇十八年改為隆康先天元年改為普

康舊唐書地理志本後周永唐縣隋改為永康移治伏強城尋改隆康寰宇記在普州南五十里宋

史地理志熙寧五年廢普康縣入安岳

普慈廢縣

在樂至縣東北元和志普慈縣東南

至普州一百里本名多業縣周建德四年置屬普慈郡隋開皇十三年改為普慈宋史地理志乾德

五年廢普慈縣舊志在樂至縣東北三十五里

黃虎城

在射洪縣界舊志晉義熙四年劉叡

宣討譙縱泝涪而上至黃虎去成都五百里寰宇記通泉縣地名黃許川黃許疑即黃虎之訛也胡

三省通鑑註黃虎近

明水城

在蓬溪縣西南明月涪城或在鄭江口

插天元末明玉珍保障于此築城周
二里遺址尚存今為鎮亦曰明水寨
石羊城在樂至縣

東輿地紀勝石羊鎮在安石縣又有石羊山去縣
一百三十里舊志石羊城在今縣東一百二十里

相傳元時置縣
明初廢為鎮
富國監在三臺縣南寰宇記本郭縣富國鎮新井煎鹽之場

宋置監以董其事兼領通泉飛鳥等鹽井
去川九十里明統志富國監在潼川府南
鐵冶在射

洪鹽亭二縣九城志通泉縣
有鐵冶三東關縣有鐵冶一
銅冶在中江縣西南九城志銅山縣

有銅冶舊志益
陳子昂故宅在射洪縣東武東山下又讀書臺在縣北

金華山巔舊
建金華書院
郭元振故宅在射洪縣東南與龔穎地紀勝在通泉縣

故宅在遂寧縣西南輿地紀勝
孫樵故宅在遂寧縣西十里龔雅村

紀勝在遂寧 陳搏故宅 在遂寧縣南輿地紀勝在
府東畫錦坊 崇龕鎮去鎮二里宋初即

其宅為靈山觀宣和 長嘯樓 在府子城上輿地紀
四年賜額曰欽真 勝又有觀風樓李雲棟

皆在 翔鳳樓 在遂寧縣西近樓之 官閣 在潼川府
府前 山有翔鳳之勢故名 北六十里

唐杜甫詩山 元祐閣 在遂寧縣輿地紀勝在遂
官閣迎添愁 寧府城安居門外隆化院

左政和中程師孟作山川之秀井邑之美 名世堂
畢陳于前唐文若為記後又畫元祐人物

在府治方輿勝覽畫屈原司馬相如王褒 來宸堂
楊雄嚴君平陳子昂李太白蘇子瞻八人

在府治以宋丞 靜治堂 在遂寧縣東北三里宋孝
相趙雄得名 宗御書靜治堂三大字以

賜丁 山亭 在三臺縣南牛頭山唐杜甫 環翠亭 在
達 詩路出雙林外亭窺萬井中

江縣治南明統志宋程建用記西野亭在射洪縣東南與地

紀勝在通泉縣東山杜甫詩浮螺亭在遂寧縣與

亭影臨江水村烟對浦沙

漢縣一里長慶院有卡孝義臺在鹽亭縣東南一

高五十六體篆字碑

人馮伯瑜剖腹取肝以愈父疾縣令下說築臺于此立石旌表之又蓬溪縣亦有孝義臺在縣西二

十五里蜀孟果時里人程崇政以孝聞知縣程佐表之

關隘太和鎮在府治今設有洋溪鎮在射洪縣今設巡司胖子

店在中江縣今設巡司大庾渡在射洪縣南三十里本蓬

溪鎮在蓬溪縣西南鄰江南本南明鎮在三臺

朝雍正七年置巡司今裁

九域志涪城縣有南明新井鳳溪高鋪四鎮舊志南溟鎮在州北八十里即南明也又有鹿蹄鎮在

州南二十里樂安鎮豐義鎮在射洪縣界九域志在州西三十里官道射洪縣有豐義納霸

二鎮大通鎮在射洪縣南九域志通泉縣有大通剩龍赤車千頃四鎮鸞溪鎮在

亭縣北九域志縣有何店鸞溪鎮在鹽亭縣東北白馬宕渠臨江鸞溪五鎮鸞溪鎮在九域志永泰司

有大汁永豐二鎮臨津鎮在中江縣東九域志中江縣有臨津吳店石曰新安陽平馬橋

六鎮舊志臨津在縣東吳店黃鹿鎮在中江縣西石曰在縣南新安在縣西南黃鹿鎮北五十里北

去綿州亦五十里其地舊名卞市相傳五代王龔蜀初有女仙馬愛娘跨黃鹿飛昇于此因名

市鎮泉路在中江縣南九域志飛鳥縣有龔市賴王七泉路口保安五鎮又銅山縣有大石曲末二

鎮舊志保安鎮在縣南案輿圖有白水鎮在遂
龔家口在縣南少西即龔市鎮也

北九域志小溪縣有白水白崖石城閭國等十鎮
舊志白水鎮在縣北傘子山下閭國鎮在縣北四

里萬歲鎮在遂寧縣西九域志遂寧縣有柏子井
鼻萬歲蒲市四鎮舊志萬歲鎮在今縣

西四韓朋鎮在遂寧縣西南九域志安居縣有安
十里居韓朋崇龕若山等八鎮案若山

今在利國鎮在蓬溪縣西南九域志蓬溪縣有利
安岳國仁和石洞懷化義富五鎮舊志利

國鎮在縣西南三十里明置石峯堡于此又仁和
鎮在縣南二十里石洞鎮在縣北三十里懷化鎮

在縣西北二十五里有堡九節鎮在蓬溪縣東南
義富鎮在縣西八十里九域志青石縣

有九節龍會大張市河王賴岡五鎮舊志九節鎮
在蓬溪縣東南一百三十里龍會鎮在縣南一百

里
客館鎮

在蓬溪縣西九域志長江縣有白土鳳臺錦店長灘客館趙井六鎮舊志客館

鎮在蓬溪縣西二十里跨鰲山下又有長潭鎮在縣西一百十里有堡即長灘又有白土堡在長

潭之西即故白土鎮也

走馬鎮

在蓬溪縣西五十里江西岸有堡有市其地多畝為利甚

廣
龍臺鎮

在安岳縣唐天復初王建遣龍臺鎮使王宗侃討杜從法等于昌普舍三州平

之九域志安岳縣有楊仙龍臺清流龍歸等十六鎮舊志清流鎮在縣南六十里

茗山鎮

在安岳縣九域志安岳縣有茗山鎮舊志鎮在安岳縣西北七十里故普慈縣地與樂至縣接界旁

有茗山因名

三會鎮

在樂至縣北九域志樂至縣有三會普慈等八鎮輿地紀勝三會係

遂寧潼川簡池三州交會之地故名

葫蘆溪鹽課司

在三臺縣今設鹽課大使青

堤黃礫鹽課司

在射洪縣今設鹽課大使

康家渡鹽課司

在蓬溪縣

今設鹽課大使

華池鹽課司

在三臺縣明初置久廢

廣福鹽課司

在蓬溪縣

寧縣西八十里明置今裁

秋林驛

在三臺縣東五十里又建寧驛在縣西六十里俱明洪武中

建今裁

九井驛

在射洪縣西明嘉靖中建久廢

雲溪驛

在鹽亭縣西又富村驛在

縣東北六十里皆久廢

古店驛

在中江縣西六十里本朝康熙中置今裁

津梁孝弟橋

在府城內儒學前宋時州學生杜田舉孝弟科因以名橋

敦義橋

在府

東三十里桃花溪

通濟橋

在府東五十里映溪山下橫銷雙溪

東龕橋

在射洪縣

東德星橋

在鹽亭縣南近嚴氏故宅杜甫詩有嚴家聚德星之句因名

會秀橋

在遂寧縣南一百里

飛雲橋

在蓬溪縣東跨蓬溪

連珠橋

在蓬溪縣東北三里成

信橋

在安岳縣東三十里

陵墓三國漢鄧芝墓

在蓬溪縣濠宇記在青石山舊志在蓬溪縣南一百里或曰在

遂寧縣北二十里鳳臺山

唐楊炯墓

在三臺縣輿地紀勝在梓州北長平山

陳子

昂墓

在射洪縣東南獨坐山下

嚴震嚴礪墓

在鹽亭縣濠宇記俱在鹽亭縣西負

戴山

賈島墓

輿地紀勝在普州南安岳山下又在長江縣明統志在安岳縣南三里舊

志相傳又在蓬溪縣明月山之陽賈島謫為長江主簿有墓在焉而順天府房山縣

亦有賈島墓長安客話以為孫樵墓在遂寧縣西門外

平于蜀歸葬房山謹並存之

孫樵墓

在遂寧縣

五

代唐夏魯奇墓

在遼寧縣後忠井側

治宋蘇易簡墓

在三臺縣西南

八十餘里廢銅山縣相近又有故宅

文同墓

在鹽亭縣東北廢永泰縣東四十里

楊輔

墓

在遼寧縣西二里佛現山下

明黃珂墓

在遼寧縣西南二十里鳴鍾山

席書

墓

在遼寧縣西珉水壩

本朝張鵬翮墓

在遼寧縣

祠廟青石祠

在遼寧縣青石山

陸使君祠

在射洪縣南白崖山方輿勝覽梁山

監中陸弼為瀘州刺史卒于官歸舟過白崖山舟皆沈沒後為立廟明統志嘗早縣令禱于祠下即

大鐵山神祠

在安岳縣北鐵峯山明統志隋時夷人入寇普昌瀘三州文帝命姚景濤

為都統討平之
昔人為立祠

勾谿廟

在中江縣西祀隋
凱州守李直之

英顯廟

在射洪縣獨生
山祀唐陳子昂

靈護廟

在府城東唐建祀東
川節度使顧彥暉

旌忠

廟

在遂寧縣東祀後唐
東川節度使夏魯奇

張諫議祠

在三臺縣西牛
頭山祀宋張雍

豐澤廟

在遂寧縣東明統志宋李洪生有神異歲
凶捐家資全活十萬家及卒人為立廟崇

寧間賜其
號曰豐澤

普應廟

在安岳縣鐵峯山明統志宋天
彭人多岳授徒于普及卒門人

年哀率子弟葬
之并為立廟

寺觀兜率寺

在三臺縣南二里南山隋開皇中建前
瞰郡城拱揖如畫唐王勃有梓州鄆縣

兜率寺浮圖碑記杜甫有上
兜率寺詩中有劉蛻文塚

永福寺

在三臺縣西
牛頭山下舊

名牛頭寺唐杜甫有上牛頭寺及望牛頭寺詩一名長樂寺寰宇記牛頭山下有長樂寺樓閣烟花

為一方勝聚壽聖寺在射洪縣東安禪寺在射洪縣西南定光寺

在鹽亭縣西宋建寧國寺在中江縣治東廣德寺在遂寧縣治西

臥龍山唐為普濟寺宋改廣利寺明改今名普慈寺在蓬溪縣治西東林寺在安

岳縣保和觀在府治前唐王杞號易元子為東川治南獄吏多陰德遇異人授靈丹于長平

山後仙去郡人立祠祀之宋賜今名天祿觀在鹽亭縣治東清虛觀在中江縣治北

元妙觀在遂寧縣治東棲霞觀在蓬溪縣治東天慶觀在安岳縣治西北

玉京觀在射洪縣治北金華山上

名宦唐顏杲卿

琅琊人調遂州司法叅軍性剛正莅事明濟嘗為刺史詰讓正色別白不

為所屈

李叔明

代宗時為梓州刺史初東川承兵盜鄉邑彫破叔明治之二十年撫綏有

方民

柳仲郢

華原人公綽子大中年間為東川節度使美績流聞李商隱曾為其判官

五代唐夏魯奇

青州人唐莊宗時鎮武信東川董璋反攻遂州魯奇閉城拒之旬月

救兵不至城中食盡魯奇自刎死

宋馮瓚

歷城人乾德中知梓州蜀軍校上官進率亡命

夜攻州城城中止有雲騎兵三百瓚令分守城門密令促更籌未夜分擊五更賊悉遁去因縱兵追

之擒進斬于市宥其餘黨境內獲安

郭廷謂

彭城人乾德中知梓州州承舊政有莊宅戶車

脚戶皆隸州將鷹鷄戶日獻雉兔田獵戶歲入皮革又有鄉將等互擾閭里廷謂悉除之

康延

澤

乾德中全師雄作亂徒延澤普州刺史時有降兵二萬七千諸將欲盡殺之延澤請簡老幼疾

病七千人釋之餘以兵衛還浮江而下賊若來劫奪殺之未晚俄出兵敗賊衆三萬普遂等郡皆平

優

詔嘉獎就命為東馬知節

蜀人太宗時知梓州李順之叛王繼思惡

川

七州招安巡檢使

馬知節

蜀人太宗時知梓州李順之叛王繼思惡

知節不附已遣守彭州付以羸兵三百知節力戰賊遂潰去太宗聞而嘉歎

張宏

並都人太

平興國中知遂州以勤幹聞

宋準

雅州人太宗時通判梓州有治聲

謝濤

富陽人為

梓州推鹽院判官李順反成都攻陷州縣海嘗畫守禦之計賊平以功遷觀察推官

李虛已

建安人太平興國中知遂州以治最被賜虛陳世已因獻詩帝批其紙尾云朕得良二十石矣

卿

南劍人雍熙中為東川節度推官李順寇兩川知州張雍以州兵馬為數部使官分領世卿素

善射當城一面親射中數百人同幕皆謀圖全計
世卿正色曰食君祿當季身報國奈何欲避難為

他圖

張雍

安德人淳化中再知梓州李順作亂衆
至萬人雍訓練士卒募強勇守城督陳

佐治戎器伐木為竿銷鐘為鑄紐布為索守械悉
備賊圍梓潼八十餘日雍固守不動會王繼恩遣

兵來援賊始潰

去上手詔褒美

盧斌

開封人為梓遂十二州都巡
檢使淳化二年賊任誘等寇

昌合州斌斬誘等賊衆悉平四年賊王盡復起
榮資斌擊滅之是冬李順為亂率兵欲往平之

查

道

休寧人淳化中蜀寇叛命道通判遂州至道二
年有使兩川者得道公正清廉之狀以聞優詔

嘉

張士遜

陰城人遷射洪令以寬厚得民檄移治
鄆民遮馬首不得去因聽還安撫使至

梓州問屬吏能否張
雍曰射洪令第一也

崔嶧

長安人知遂州建議罷
塘峽置闕如劔門以祭

奸人徒提點刑獄嘉陵江歲調寇賊臨汝人真宗時為解州路

民丁治堤揭嶧用州兵代其役

轉運使晏州多剛縣酋斗望劫瀘州燒涪井監般

官吏城誘溪藍等州刺史及八姓烏蠻首領使斷

賊徑詔發陝西兵益以白刃子弟緣清井溪轉鬪

凡十一陣破之夷人相率來附斗望猶旅拒不從

城分兵拔其柵大破之衆逆降又彭乘華陽人天

置戍守建砦柵濬三濠以環濟井

養得知普州人鮮知學乘為之賈昌衡宗時為梓

興學召其子弟為生員教育之

州路轉運判官雷人請富順井鹽吏視賄多寡為

先後昌衡隨月日給之變驅馬來市官第其良馬

為二等上者送秦州下者輒輕

估值而抑蜀昌衡請嚴禁之

范純禮吳縣人知

有邊事調度苛棘純禮一以靜待之辦其可具者

不取于民草場火民情疑怖守吏惕息俟誅純禮

曰草濕則生火何足怪但使密備之庫吏盜絲多
罪至死純禮聽其家趣買以贖命擇其株連者

王吉甫

同州人神宗時知梓州梓在東川為北藩
轉運使欲增折配以取羨餘吉甫謂其僚

曰民力竭矣一增之後不可復減吾寧貽
使者怒忍為國歛怨為民基禍哉竟却之韓琦
人

熙寧間為梓州路轉運使朝命諸道議更役法琦
首建併綱減役之制省役人五百又請裁定諸州

衙苗時中

宿州人熙寧中以司農丞使梓州路密
薦能吏十人後皆進用人卒莫之知後

為梓州路轉運副使以糧道
遠創為攢運法食以不乏

家愿

眉山人以日食求賢

愿時為普州樂至
令應詔極論時政

李燾

丹棱人紹興中除潼川路
轉運判官劾守令不職者

四人時多聚飲燾括一路財賦額通有無
酌三年中數定為科約上之頒諸州縣

景興宗

紹興中守潼川
活飢民甚衆
許奕
簡州人孝宗時知潼川府霖雨壞城撤而新之不以煩民

知遂寧府捐緡錢數百萬以代民輸復鹽筴之利
以養士為浮梁作隄數百丈民德之畫像祠于學

趙善譽
淳熙中為潼川路提刑轉運判官劾罷遂寧守徐詡又以美資給諸郡置莊威惠並

孚宗子寓蜀者少業儒善
譽即郡庠立學以教之
游仲鴻
南充人淳熙中知中江縣總領

楊輔檄置幕下建議經理關外營
田可減一切橫歛為吳挺沮而止
楊泰之
青神人寧宗時

知普州以安居安岳二縣受吳曦之
禍尤慘力白宣撫安丙盡蠲其賦
高稼
蒲江人辟潼川

府路都鈐轄司幹辦公事制置使崔與之聞其
名改辟本司幹辦公事稼持論不阿憂世甚切
高

定子
稼弟嘉泰中授郵縣主簿吳曦叛乞解官養
母曦誅攝府事宇文公絳以忠孝兩全薦之

胡中江

曹叔遠

瑞安人寧宗時守遂寧營卒莫簡苦總領所侵剋相率稱亂勢張甚

入遂寧境輒戢其徒無肆暴曰此江南好官員也

李壁

丹徒人嘉定中知遂寧府張福入蒞

昌畧閭剽果至遂寧壁傳檄諭之福等請檄泣下約解甲降會官軍至挑賊賊忿盡燭其城顧府治

曰李公旦夕來居此其勿毀壁馳書大將張威使調嘉定黎雅砦丁牌手來會戰以長圍法授之賊

遂平兄屋知遂寧政主簡靜郡人宜之

孟元

涪州人擢普州刺史專管勾麟府軍馬事護築

永寧堡敵不敢動

劉光祖

陽安人除直秘閣潼川運判歷本路提刑韓侂胄誅進直學士

知潼川府慈惠得民仁聲四達時賢守稱最

黃震

浦城人通判遂州嘗給兩川軍士緡錢詔

至西川而東川獨不及軍士洵洵震白主者曰朝廷豈忘東川耶殆詔書稽留爾即開州帑給錢如

西川衆乃定魏了翁蒲江人嘉定中知潼川蒲

明日詔果至府約已裕民厥績大著蒲

閬州人提舉潼川路刑獄有議權酷於瀘叙間云
歲可得錢二十萬由言先朝念此北夷漢雜居故
弛租禁以惠安邊人今何叔丁理宗時知普州同

之所行未見其利乃止何叔丁時僉書判官楊仁

舉淳祐元年東北兵攻城兩家二十餘人死于難
叔丁孫嗣祖仁舉幼子肖翁被俘逃歸詔贈官恤
後元多爾濟太祖時為潼川府尹時公府無祿田

稅潼川仕者有祿自此始
多爾濟舊作朶兒赤今改正暢師文至元時除潼

府舍發地得銀五十錠同僚分師文十錠不
受用以修廟學及傳舍餘作酒稅給公用明單

之宵崇禎末中江教諭攝劔州事獻賊破城死
之本朝乾隆四十一年賜諡烈愍

本朝周甲徵

山陰人康熙十九年知蓬溪縣值逆藩吳三桂披猖居民遁竄甲徵招徠撫字

歸者如市

人物漢王渙

字稚子鄆人晚敦儒學習尚書太守陳寵舉為功曹當職剖斷不避豪右由此顯名舉茂才除溫令歷遷兗州刺史繩正部郡風威大行拜侍御史永元中遷為洛陽令有治績

王堂

字敬伯鄆人初舉茂才遷穀城令治有名迹三府舉治劇拜巴郡太守刺史張喬表其治

能遷右扶風以守正見稱永建中拜魯相遷汝南太守郡內稱治子釋字叔啓清行不仕
字子誦鄆人師事司徒魯恭以孝舉安帝時為豫州刺史時天下飢荒競為盜賊州界收捕且萬餘人顯應其窮困自陷刑辟輒擅赦之因
自勅奏有詔勿理後位至長樂衛尉
王商字文

曾孫以才學稱聲著于州里建安中為蜀郡太守成都禽豎有孝行表其墓又立嚴君平李宏祠以旌先賢修學廣農百姓便之在郡十載卒于官

三國漢王甫

字國山邠人為綿州令還

為荊川議曹從事隨先主征吳敗于猇歸遇害楊戲贊云國山有子名祐有父風官至尚書右選郎

王士

字義疆甫從兄從先主入蜀舉孝廉為符節長遷牙門將出為宕渠太守丞相亮南征徙

益州太守將南行為蠻夷所害楊戲稱其志壯氣剛云

鄧承

字公文廣漢人歷郡守右職為

少府太常時費禕姜維秉政孟光來敬

晉王長文

字德昌邠人少以才學知名閉門自守著書四卷擬易名曰通元經後為江源令曰祿以養親非為

身也終

南北朝宋襲穎

遂寧人益州刺史毛璩辟為從事璩為譙樂所殺佐

吏並走穎號哭奔赴殯送以禮後縱僭位
禮微不起脅以兵及執志彌堅竟不屈節

梁李慶

緒

字孝緒鄆人父為人所害慶緒時九歲志在復讎投州將陳顯達白日手及其讎自縛歸罪州

將義而釋之天監中為東莞太守丁母憂去職廬于墓側每慟嘔血數升

唐陳子昂

字伯

王射洪人父元敬世高貲歲飢出粟萬石賑鄉里舉明經調文林郎子昂年十八尚未知書尚氣懷

慨他日入鄉校感悔力學舉進士武后時攝麟臺

正字請興明堂太學及三事七驗八科之奏語多

切直拜右拾遺武攸宜討契丹表為幕府參謀數

進諫攸宜以其儒者謝不納徙置軍曹以父老解

官歸詔以官供養父喪廬塚每哀慟聞者皆流涕

唐興文章承徐庾餘風子昂始變雅正初為感遇

三十八章王造曰是必為海內文宗大厯中節度使李淑明為立旌德碑于梓州學宮至今猶存

嚴震

字遐聞鹽亭人至德乾元中出資助邊為州長史嚴武知其才署押衙歷鳳州刺史號稱

清嚴遷山南西道節度使朱泚反遣人誘之震斬以聞帝欲駐蹕山南震表奉迎李懷光以騎追襲

賴山南兵以免加戶部尚書封馮翊郡王將幸成都震切諫會李晟表至亦請駐蹕梁洋議遂定改

梁州為興元府即用震為尹進同中書門下平章事卒贈太保謚忠穆章全並梓州

人少孤為兄全啟所鞠及全啟亡全並服斬哀以報不畜妻僮僕獨處一室賣藥自業居成都四十

年號章孝子卒年九十八又涪城人趙相郭縣人曹少微皆事親居喪以至行著趙蕤字

賓鹽亭人篤學不仕著有長短宋蘇易簡字太簡要術十卷開元中召之不赴銅山人

父協舉蜀進士歸宋累遷光祿寺丞易簡夙度奇秀才思敏瞻弱冠舉進士太宗擢冠甲科授將作

監丞遷右拾遺知制誥雍熙三年同知貢舉遷中書舍人續唐李肇翰林志二卷以獻帝嘗飛白大

書玉堂之署四字賜易簡累官參知政事以禮部侍郎出知鄧州移陳州卒文集二十卷藏于秘閣

子耆有才名景泰字周卿普州人進士起家歷尚仕工部郎中景泰書屯田員外郎通判慶州元昊

反上邊臣要畧二十卷遷知成州徙原州以戰元昊功遷知鎮戎軍久之領忠州刺史徙秦鳳路馬

步軍總管蘇舜欽字子美銅山人易簡之孫少慷慨有總管蘇舜欽大志天聖中學者為文多病偶對獨

舜欽為古文歌詩一時豪傑多從之游累官大理評事康定中舜欽詣函通疏條二事一正心二擇

賢言極剴切范仲淹薦其才台試為集賢校理監進奏院坐事謫官以終兄舜元字才翁精悍任氣

節為歌詩亦豪健尤善草張述字紹明小溪人景祐進士歷太常博士

士皇祐中仁宗未有嗣述上疏請建儲前後七上
疏最後語尤激仁宗不以為罪歷通判延州知泗

州皆有政績後為姚渙字虛舟晉州人第進士歷
尚書職方員外郎知峽州大江漲溢渙前戒

民徙儲積遷高旱及水至無溺者為木岸七十丈
絳以長堤隄以薪石其後漲不為害徙知涪州拊

循夷酋有方景思忠字進之秦子以父蔭累官西
終光祿卿京左藏庫使為遂州駐泊都

監夷人寇消井鈴轄張承祐出兵救之思忠部卒
五百為前鋒戰不利左右勸其引避不聽奮劒疾

戰而死神宗憫之景思立思忠弟以蔭主渭州治
官其子賜家錢帛平砦囉兀用兵韓絳使

攝保安軍夏人寇順寧思立領兵赴援諸將敗立
軍獨全以功知德順軍策應王韶取燕州過洮築

當川堡克羗香子珂諾城遂定河州嘗與羗力戰
斬不用命者數人軍聲大振詔言其臨事忠勇屢

遷河州刺史俊以百騎擊羌數千人轉戰而死

馮山

安岳人熙寧末為秘書丞通判梓州鄧綰

薦為臺官不就退居二十年范

趙開

字應祥安居人元符進士

宣和中除成都路轉運判官又總領四川財賦從

張浚治兵秦州經畫費用常無缺尋除徽猷閣待

制復都大主管川

馮康國

遼寧人為太學生負氣

陝茶馬累疏乞去

浚遣康國諭以禍福辭氣不屈凶等稍戢太后垂

簾詔補兵部員外郎高宗反正張浚辟為主管機

宜文字詔進兩官為荆湘宣諭使歷官直

劉儀鳳

顯謨閣知夔州除都大主管川陝茶馬

字部美普州人紹興進士補秘書丞所草牋奏以

典雅稱乾道元年遷兵部侍郎兼侍讀俸入半以

儲書凡

楊輔

字嗣勲遂寧人乾道進士除秘書省

萬餘卷

正字遷戶部郎中擢利西安撫使吳

挺病輔家白二府早擇人望以鎮方面累官至寶
謨閣學士四川制置使安丙誅曦輔請以事任付
丙後除兵部尚書知建康府
兼江淮制置使卒謚莊惠
趙朋
叛朋拒戰左臂
已斷而戰不休
姚希得
字進原潼川人嘉定進士
事閒襄恤之為太府寺丞時帝斥遠權

奸收召明德舉朝相慶希得言朝廷者萬化所由
出實根人君之一心帝改容納之累遷宗正少卿
歷戶部侍郎拜權參知政事希得好引善類有引
于上而人不知者度宗初以資政殿大學士潼川
郡公致仕卒贈少保所著有續
宋名臣言行錄奏稿橘川文集
吳泳
字叔永潼川
累官直舍人院輪對言願陛下養心以清明約己
以恭儉進德以剛毅又因火災應詔上書言甚切
至遷秘書少監尋遷吏部侍郎兼直學士院疏言
謹政體正道揆厲臣節綜軍務四事權刑部尚書

應知果州以言罷
所著有鶴林集

吳昌裔

字季永中江人早孤與
兄沫痛自植立得程張

朱三子書輒研繹不倦嘉定進士聞黃榦得朱子
之學往從之歷監察御史冬沔雷春大雨雷昌裔
疎陳劉玘又慮蜀佔危條實規模審功賞訪軍賢
儲帥才四事以進又歷言三邊之事徙為大理少
卿出參贊四川宣撫司軍事改嘉興
府以寶章閣侍制致仕卒謚忠肅

何保之

通泉人舉

進士有至行母卒負土成墳廬于其側日有羣鳥
飛集墳上哀鳴不去又有兔馴于坐隅人稱異焉

蹇彛

通泉人嘉定進士累官金川通判元兵攻蜀
彛拒戰兵敗被擒不屈而死子永叔復力戰

城破舉家死焉弟維之舉紹定進士利
州都統王宣辟行參軍迎敵力戰而死

元謝端

字敬

德進寧人幼穎異十歲能作賦弱冠為古文以父
學名姚樞嘗獎嘆之延祐五年擢進士乙科累官

翰林直學士端善為政望仕湘陰猾吏豪民不敢
弄文玩法結譽籍然其文章嚴謹寧約無奢至順
元統以來朝廷制策多出其手元世明李遇中安
蜀士以文名者虞集而下端其亞焉

人事親至孝親疾朝夕侍側歿則廬墓寢苦
枕塊徒跣三年雖隆冬不改宣德中旌表黃珂

字鳴玉遊寧人成化進士由縣令累官至尚書有
介直譽震濠謀復護衛珂堅執不署時以為難卒

謚簡席書字文同遊寧人宏治進士歷工部主事
肅作漕河志累官福建布政使宸濠反發

帑金募兵討之巡撫湖廣中官李鎮張暘假進貢
及御鹽名餉財十餘萬書疏發之嘉靖初進南京

兵部侍郎江淮大飢條上賑法全活者數十萬升
禮部尚書上新政十二事及大禮集議六卷加武

英殿大學士卒謚文襄弟春篆俱正德進士春由
翰林歷吏部侍郎篆嘉靖中任給事以直諫謫夷

使
羅璋

遂寧諸生大盜獲其母璋挺鎗斃賊母
得逸去而璋以捍賊戰死正德中旌表

楊

最

字殿之射洪人正德進士歷官太僕卿世宗好
神仙最抗言極諫帝大怒下獄詔重杖之杖未

畢而死隆慶初贈右

楊名

字賓卿遂寧人鄉試第
一明年以第三人及第

副都御史謚忠節

授編修十一年彗星見應詔上書直言忤旨下詔

獄謫戍瞿塘衛明年釋還屢薦終不復召家居二

十餘年奉親孝親歿與弟

張翀

字習之潼川人正
德進士選庶吉士

台廬于墓免喪疾作卒

屢遷都給事中嘉靖中封章屢上斥指無所避議

大禮帝怒詰責翀執議益堅既又同修撰楊慎等

速百官于金水橋曰萬代瞻仰在此一舉有不同

心者共擊之仍伏哭文華門聲聞大內逮繫錦衣

獄明日杖闕下謫戍瞿塘衛居衛

湯紹恩

字汝承
安岳人

所十餘年以東宮冊立恩赦還卒

嘉靖進士歷紹興知府有惠政越人祠祀歌之歷山東布政使卒于官

張任學

安岳人天

啓進士崇禎四年巡按河南時羣盜縱橫任學慨然請撫武階執干戈帝壯之授署都督僉事為河南

南總兵官先是張獻忠已降任學謂總理熊文燦曰此賊終為國患不如出其不意滅之不聽後果

如其言 **呂大器** 字儼若遂寧人崇禎進士授行人擢吏部主事遷陝西關南道副使尋巡

撫甘肅計誅悍弁邊境晏然擢兵部侍郎時賊犯江西命大器督剿乃密布方畧遣將于衡袁萬載

洋澄諸路撲賊殆盡 **王起義** 安岳人崇禎進士舉義兵討張獻忠不克而死 本朝乾隆四

十一年 賜謚烈愍

本朝張泰階

鹽亭人順治辛卯舉人值寇亂父被掠泰階號泣請代賊感動并釋之事繼母

撫諸弟以孝友稱
陳四聰
鹽亭人性至孝孺慕之思垂老

進後學士
李仙根
字南津遂寧人順治辛丑進士

林重之
高平相侵殺仙根充安南正使奉
安南臣僚誤國十節由是恪遵
朝命累官戶部

侍郎生平工書法瞻文
詞著有安南使事紀要
張鵬翮
字運青遂寧人康熙

兵部尚書治河八載有績
終文華殿大學士謚文端
張象珪
字六飛安岳人康熙甲辰進士

知饒陽縣以廉幹稱尋擢膠
州有治績詳萊州府名宦
彭鎔
遂寧人十歲喪

水不入口長侍父疾渴藥必親嘗父卒廬墓三年
中康熙丁卯舉人任成都教授尋知江南震澤縣

有政
聲

流寓唐劉蛻

長沙人寓居潼川年老瘞文為塚于南山刺石曰文塚

列女晉李秀

鄆人寧州刺史毅女明達有父風時五種夷圍州毅以憂卒衆推秀領州事獎

勵將士堅城固守糧盡矢鼠拔草食之伺寇稍息輒出兵擊破之

宋蘇易簡母薛

氏

易簡參知政事太宗召薛氏入禁中賜冠帔命生問曰何以教子成此令跪對曰幼則束以禮

讓長則教以詩書上顧左右曰真孟母也

蘇舜欽妻杜氏

宰相杜衍女有賢行舜欽

謫官以死杜布衣疏食居數年挈其孤子餓其生平文章號泣走告于其父曰吾夫屈于生猶可伸

于死行因請歐陽修為其集序而傳之

明何宗禮妻楊氏

潼川人年十七夫死

奉舅姑四十五年操守清約奉旨旌表

錢汝吉二烈女

潼川人長年十七次年十

五天順間賊吳昇流劫柳村汝
吉遇害二女義不辱投江死
岳廷鳳妻張氏

人正德間罵賊
被殺事聞旌表
劉嘉雄女寡姑
盜川人正德間流
賊擄掠女避入山

賊搜獲女罵不
從賊怒斷其手
李子明妻黃氏
盜川人夫為賊執
黃罵不絕口遂遇

害
謝氏
盜川人適王姓王卒謝年二十翁
姑欲奪其志遂自盡事聞旌表
張氏

人年十八夫亡無子獨居高樓
守節四十八年事聞賜貞節坊
任國玉妻石氏
盜川

人夫卒石年十九髡
髮毀面孀居五十年
蒲烈女
射洪人崇禎間許聘
楊懋未嫁夫亡遂自

縊
曹氏
樂至人適同里朱姓子朱年甚幼與曹齒
不相當翁欲嫁之為再娶同齒者女曰唯

從一耳
遂自刎
楊氏
潼川人年十五出嫁夫故楊割
楊先

憲妻朱氏

潼川人崇禎末為賊所執朱罵不絕口賊殺之萬谷陽妻吳氏

潼川人獻賊拘紳士家口入城吳以姑年老身代往遂死之歐如虹妻黃氏潼川

人被賊執不屈死楊賽姑射洪人處女賊執欲污之姑投崖死陳氏蓬溪人譚姓妻

為賊所逼氏大罵願連死賊殺之楊文煥妾荆娘樂至人城陷罵賊死

本朝戴天志妻鄧氏

安岳人夫歿鄧哀號不輟營喪葬盡禮事畢即自經死又唐際

陶妻袁氏遂寧人未嫁而夫死袁聞訃奔喪堅欲同穴母力援之乃止苦節五十年杜宗賢

妻王氏三臺縣人夫亡苦志守節于乾隆十六年旌表同縣劉國重妻岳氏王元邑妻周

氏均以節孝謝國柱妻子氏射洪縣人以節孝旌表同縣趙鳴鑾妻

涂氏秦傑妻陳氏
並以節孝
旌表
張泰階妻汪氏
孝
旌表
鹽亭縣人以節

王國詒妻李氏
顧枏妻岳氏
顧言妻杜氏
顧
嘉修妻張氏
並于乾隆年間先後
旌表
年履

慶妻李氏

中江縣人以節孝
旌表
同縣戴琛妻
李氏
李緒妻王氏
戴玟妻張氏
楊簡書

妻易氏
倪永寬妻馬氏
李綢妻陳氏
羅仕清妻李氏
李緯妻傅氏
秦三元妻周氏
王梯妻戴氏
並先

俊
旌表

張勤紹妻李氏

遂寧縣人
與同縣詹煥文
妻呂氏
林中梅妻謝氏
張

懋德妻蒲氏
並以
夫亡守節
旌表

童仕開妻傅氏

安岳縣人以苦
節
旌表
同縣

趙楚祥妻蔣氏
並肩
旌表

楊東衡妻何氏

蓬溪人
夫亡守節
乾隆年間
旌表

謝子庠妻黎氏

樂至縣人
以夫亡守節
于乾隆年間
旌表

仙釋唐一新羅漢

潼川舊無鹽井一新羅漢游蜀至此指其地鑿之鹽泉湧出

圓

覺

姓李隴西人家于遂寧之長江師成金和尚授以二訣大歷七年忽見端相身坐圓光中遠

近花木變成蓮

茅端坐而化

土產銀

寰宇記梓州產

銅

元和志飛鳥銅山二縣出

鐵

唐書地理志通泉縣有鐵九域志通

泉東關二縣有鐵冶明鹽唐書地理志元武飛鳥統志鹽亭射洪二縣出

鹽

唐書地理志元武飛鳥治城長江有鹽元和志

郭通泉鹽亭永秦方義蓬溪普慈安岳普康安居諸縣皆有鹽井明統志本州及所屬七縣皆有井

綾絹

唐書地理志梓州貢紅綾遂州貢綠布普州貢雙紉元和志梓州貢綾綿絲布賦布絹遂

州貢綾榜蒲綾普州賦絹紵布寰宇記梓葛元和志普州貢紋綾水波綾九域志梓州貢白花綾

州**柑橘**
元和志梓州遂州貢柑子唐書地理志梓州貢柑橘皮窠宇記梓州貢柑橘杞普

州產梅杏方輿勝覽普州鐵山棗崇
藥
元和志遂

龍梨天池藕三者皆陳希夷所種


天門冬窠宇記梓州產地黃
空青
元和志梓州貢

紅花遂州產荈根紫葛根

空青曾青窠宇

記梓州**糖**
唐書地理志梓州貢蔗糖窠宇記梓州貢砂糖方輿勝覽遂寧府出蔗霜
簞

窠宇記遂
靴鞋
窠宇記遂州產



欽定大清一統志卷三百八